

ხელშეკრულება N 212682051

ტვირთების ტრანსპორტირება-ექსპედირების და სასაწყობო მომსახურების შესახებ

ქ. თბილისი 28 იანვარი 2021,

ერთი მხრივ, შპს „ჯორჯიან ექსპრესი“, ს/კ: 201954965, იურიდიული მისამართი: ქ. თბილისი, წერეთლის გამზ. 105, 0119, წარმოდგენილი გენერალური დირექტორის, პაატა სარიშვილის მიერ, შემდგომში „შემსრულებელი“ და მეორე მხრივ სსიპ კოლეჯი „იბერია“, ს/კ: 212682051, იურიდიული მისამართი: ქ.ქუთაისი ზ.ანჯაფარიძის N61, წარმოდგენილი მისი დირექტორის, ირაკლი ავალიანის მიერ, შემდგომში „დამკვეთი“, ვთანხმდებით შემდეგზე:

მუხლი 1. ხელშეკრულების საგანი

- „შემსრულებელი“ დამკვეთის საჭიროებისა და მოთხოვნის შესაბამისად, განახორციელებს ამ ხელშეკრულების
- პუნქტში მითითებული მომსახურებებიდან რომელიმე ერთს ან რამდენიმე სახის მომსახურებას. დამკვეთის მიერ არჩეული ყოველი ცალკეული მომსახურების წესები და პირობები 9.1. პუნქტის დათქმის გათვალისწინებით განისაზღვრება დანართით და წარმოადგენს ამ ხელშეკრულების განუყოფელ ნაწილს. (64100000 - საფოსტო და საკურიერო მომსახურებები) მომსახურეობის გაწვივის ვადა 2021 წლის 31 დეკემბრის ჩათვლით.)
- „შემსრულებლის“ მომსახურებათა სრული სპექტრის მომსახურების წესები და პირობები წარმოდგენილია N 01 დანართში¹.

1.2.1 „შემსრულებლის“ მომსახურებები და მათი მიღების პირობები და წესებია.....

- შიდა გადაზიდვები საქართველოს ტერიტორიაზე (საფოსტო კორესპონდენცია/გზავნილები და ტვირთები)
- მომსახურების პირობები და წესები
- სასაწყობო და სატერმინალო (საქართველოს ტერიტორიაზე) მომსახურების პირობები და წესები
- ხელშეკრულებასთან დაკავშირებული შეტყობინებების ელექტრონული ფოსტის მეშვეობით მიღების_პირობები და წესები

მუხლი 2. მომსახურების ღირებულება და გადახდის პირობები

- მომსახურების საფასურის ოდენობა განისაზღვრება „შემსრულებლის“ მიერ, დამკვეთისათვის გასაწევი კონკრეტული მომსახურების გამოცხადებული ტარიფების (დანართი #02) რომელიც წარმოადგენს ხელშეკრულების განუყოფელ ნაწილს ან მხარეებს შორის წინასწარ, ელექტრონული ფოსტის მეშვეობით, შეთანხმებული საზღაურის შესაბამისად.
- მომსახურების საფასურის ანაზღაურება ხორციელდება „შემსრულებლის“ მიერ წარმოდგენილი ინვოისის საფუძველზე, ინვოისის წარმოდგენიდან 5 სამუშაო დღის განმავლობაში. გადაზიდვის სპეციფიკიდან გამომდინარე, შესაძლოა, ცალკეულ შემთხვევებში, მხარეებს შორის განისაზღვროს გადახდის სხვა პირობები.
- ანაზღაურება ხორციელდება ეროვნულ ვალუტაში, როგორც ნაღდი, ასევე უნაღდო ანგარიშმწორებით.
- „შემსრულებელს“ აქვს ტვირთები/საფოსტო გზავნილზე მფლობელობითი გირავნობის უფლება დამკვეთის მიერ ხელშეკრულებით გათვალისწინებული ყველა ვალდებულების დროულად, სრულად და ჯეროვნად შესრულებამდე.
- მომსახურების სავარაუდო ღირებულებაა **600,00** ლარი. დაფინანსების წყარო სახელმწიფო ბიუჯეტი.

მუხლი 3. მხარეთა პასუხისმგებლობა

3.1. ამ ხელშეკრულების მხარეები ვალდებული არიან კეთილსინდისიერად, ჯეროვნად და დათქმულ ვადაში შეასრულონ თავიანთი ვალდებულებები. რომელიმე მხარის მიერ ვალდებულების არაჯეროვანი შესრულების შემთხვევაში, მხარეთა პასუხისმგებლობა განისაზღვრება ამ ხელშეკრულების 7.2. პუნქტით შეთანხმებული ეროვნული საკანონმდებლო აქტებით.

3.2. ყველა კომერციული, ტექნიკური და სხვა სახის ინფორმაცია ან მონაცემები, რომლებსაც მხარეები მიიღებენ ერთმანეთისგან, მკაცრად კონფიდენციალურია. ორივე მხარე ვალდებულია, მოეკიდოს ასეთ ინფორმაციას, როგორც საკუთარს და არ დაუშვას ამ ვალდებულების დარღვევა.

მუხლი 4. პრეტენზიებისა და მიმართვის წარდგენის ვადები

4.1. ტვირთის/გზავნილის მიღებისას მისი გარეგნულად შესამჩნევი დაზიანებისა ან/და დანაკლისის შემთხვევაში, დამკვეთი ვალდებულია იმავე დღეს აცნობოს „შემსრულებელს“ აღნიშნულის თაობაზე, მოითხოვოს „შემსრულებლის“ წარმომადგენლის დასწრება დათვალიერებისას, უზრუნველყოს შესაბამისი აქტის შედგენა მხარეთა წარმომადგენლებისა და დამოუკიდებელი, კომპეტენტური ექსპერტის მონაწილეობით.

4.2. ტვირთის/გზავნილის მიღებისას გარეგნულად შეუმჩნეველი დაზიანებისას, დამკვეთი ვალდებულია მიმართოს „შემსრულებელს“ შესაბამისი წერილობითი პრეტენზიით ტვირთის/გზავნილის მიღებიდან არაუგვიანეს 7 (შვიდი) დღისა. აღნიშნული ვადის გასვლის შემდეგ დამკვეთის პრეტენზია „შემსრულებლის“ მიმართ არ დაიშვება.

მუხლი 5. შეტყობინებების გაგზავნის წესი

5.1. ამ ხელშეკრულებიდან წარმოშობილ ურთიერთობასთან დაკავშირებული ნებისმიერი შეტყობინება მხარეებს მიეწოდებათ წერილობით, ფაქსით ან კურიერის მეშვეობით, ამ ხელშეკრულების 9.5. პუნქტში მითითებულ მისამართებზე, გარდა იმ შემთხვევისა, როცა მხარეთა შეთანხმებით, წერილობითი ურთიერთობისათვის პირდაპირ არის გათვალისწინებული ელექტრონული ფოსტის გამოყენება.

მუხლი 6. ფორს-მაჟორული გარემოებები

6.1. იმ შემთხვევაში, თუ ხელშეკრულების პირობების შეუსრულებლობა ან/და შესრულების გაჭიანურება გამოწვეულია დაუძლებელი ძალის ზემოქმედების შედეგად (ფორსმაჟორი - სტიქიური უზედურება, ომი, პანდემია, სამხედრო მანევრები, დივერსია, ხანძარი, გაფიცვები, ბლოკადა, ემბარგო, საქართველოს ან მიმღები ქვეყნის ტერიტორიაზე, ისევე, როგორც ტვირთის მოძრაობის მარშრუტზე, ტვირთის გადაზიდვასთან დაკავშირებით ხელისუფლებისა და მმართველობის ორგანოების მიერ გამოცემული აქტები, რამაც შეიძლება შეაფეროს ან/და შეუძლებელი გახადოს მხარეთათვის ამ ხელშეკრულებით მათ მიერ ნაკისრი ვალდებულებებისა და დადგენილი პირობების შესრულება და სხვა), მხარეები გააგრძელებენ ხელშეკრულების პირობების ჯეროვნად შესრულებას ამგვარი გარემოებების დასრულებისთანავე, ხოლო ფორსმაჟორით გამოწვეული ვალდებულებების შეუსრულებლობა არ ჩაითვლება ხელშეკრულების დარღვევად.

6.2. თუ ამგვარი გარემოებები გრძელდება და შეუძლებელს ხდის მხარეთათვის ხელშეკრულებით ნაკისრი ვალდებულებების ჯეროვნად შესრულებას, მხარეები უფლებამოსილი არიან შესაბამისი წერილობითი შეთანხმებით მიაღწიონ მათთვის მისაღებ ნებისმიერ გადაწყვეტილებას.

6.3. იმ მხარემ, რომლისთვისაც შეუძლებელი გახდა ხელშეკრულებით ნაკისრი ვალდებულებების შესრულება ფორსმაჟორული გარემოებების გამო, დაუყოვნებლივ უნდა შეატყობინოს ამის შესახებ მეორე მხარეს, პირველივე შესაძლებლობისთანავე.

მუხლი 7. დავათა გადაჭრის წესი

7.1. ამ ხელშეკრულებით ნაკისრი ვალდებულების შესრულებიდან წარმოშობილი ნებისმიერი დავა ან/და უთანხმოება უნდა გადაწყდეს მხარეთა შორის მოლაპარაკებების გზით, წინამდებარებული შემთხვევაში დავას განიხილავს სასამართლო.

7.2. მხარეთა შორის ამ ხელშეკრულებების საფუძველზე წარმოშობილი სამართლებრივი ურთიერთობები მოწესრიგდება მომსახურების მარეგულირებელი საქართველოს მოქმედი კანონმდებლობით.

მუხლი 8. ხელშეკრულების ძალაში შესვლა, ცვლილებები და დამატებები ხელშეკრულებაში, ხელშეკრულების ცალმხრივად შეწყვეტის წესი

8.1. წინამდებარე ხელშეკრულება ძალაში შედის ორივე მხარის მიერ ხელმოწერის მომენტიდან და მოქმედია 2022 წლის 31 იანვრის ჩათვლით.

8.2. ხელშეკრულების ვადამდებლი მოშლა დაიშვება წერილობითი შეტყობინების მიღებიდან 10 (ათი) დღის შემდეგ. ხელშეკრულების შეწყვეტამდე მხარეები ვალდებული არიან დაასრულონ მიმდინარე ვალდებულებები. კერძოდ, „შემსრულებელმა“ უნდა დაასრულოს დაწყებული მომსახურება, თუ მისი შეწყვეტა ფაქტობრივად შეუძლებელი, ან

კიდევ, ხარჯების გაწევასთან იქნება დაკავშირებული, ხოლო დამკვეთმა უნდა აანაზღაუროს განხორციელებული მომსახურების საფასური და ხარჯებიც, ასეთის არსებობისას.

8.3. ნებისმიერი ცვლილება და დამატება ამ ხელშეკრულებაში ძალაში შედის მხარეთა შორის ცვლილებების და დამატებების შესახებ დადებული შეთანხმების ხელმოწერიდან, გარდა ამ ხელშეკრულების დადების შემდეგ მომსახურების ფასების ან/და საბაზრო მოთხოვნებთან შესაბამისობაში, მომსახურების სტანდარტების შეცვლისა (სტანდარტული პირობები). მომსახურების ფასების ან/და მომსახურების სტანდარტების შეცვლისას, ცვლილებები და დამატებები ძალაში შედის და ხელშეკრულების განუყოფელ ნაწილად გადაიქცევა, შეცვლილი ფასების ან/და მომსახურების სტანდარტების შეცვლის შესახებ ინფორმაციის შპს „ჯორჯიან ექსპრესი“ ვებგვრდზე (www.geoexpress.ge) განთავსების მომენტიდან.

მუხლი 9. დასკნითი დებულებები

9.1. ამ ხელშეკრულების 1.2. პუნქტში მითითებული მომსახურების წესებისა და პირობებიდან, დანართის სახით ხელშეკრულებას ერთვის მხოლოდ დამკვეთის მიერ არჩეული მომსახურებების წესები და პირობები. ხელშეკრულება არ საჭიროებს იმ მომსახურებათა წესებისა და პირობების თანდართვას, რაც დამკვეთს არ აურჩევია.

9.2. ამ ხელშეკრულების 1.2. პუნქტში მითითებული და დამკვეთის მიერ არჩეული წესები და პირობები, ყოველ ცალკეულ შემთხვევაში, წარმოადგენს ხელშეკრულების განუყოფელ ნაწილს.

9.3. მხარეები აღიარებენ, რომ წინამდებარე ხელშეკრულებით შეთანხმებული პირობები მათი ნების გამოვლენის შედეგია, ეთანხმებიან მათ და ადასტურებენ თავიანთი ხელმოწერით.

9.4. ეს ხელშეკრულება შედგენილია ქართულ ენაზე ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმომწერ მხარეებთან.

9.5. მხარეთა რეკვიზიტები:

შპს „ჯორჯიან ექსპრესი“

მის: წერეთლის 105, 0119 თბილისი, საქართველო

ს/კ: 201954965

ტ: 2696060

ელ. ფოსტა: info@geoexpress.ge

ს/ს „საქართველოს ბანკი

ბანკის კოდი: BAGAGE22

ანგარიშის N: GE70BG0000000391050200

გენერალური დირექტორი

პაატა სარიშვილი

სსიპ კოლეჯი „იბერია“

იურიდიული მის: ქ.ქუთაისი ზ.ანჯაფარიძის N61

ფაქტიური მის: ქ.ქუთაისი ზ.ანჯაფარიძის N61

ს/კ: 212682051

ტ: 577788302

ელ. ფოსტა: iberiacollege@gmail.com

ფინანსური ელ.ფოსტა: iberiacollege@gmail.com

ს/ს: სახელმწიფო ხაზინის ერთიანი ანგარიში

ბანკის კოდი: TRESGE22

ანგარიშის N: 709137509

დირექტორის

ირაკლი ავალიანის

(ხელმოწერა/ბეჭედი)

(ხელმოწერა/ბეჭედი)

დანართი #01

შიდა გადაზიდვები საქართველოს ტერიტორიაზე (საფოსტო კორესპონდენცია/გზავნილები და ტვირთები) მომსახურების პირობები და წესები

- „შემსრულებელი“ მხარეთა შეთანხმებით განსაზღვრული შესაბამისი საზღაურის მიღების პირობით და დამკვეთის უშუალო დავალებით ახორციელებს შიდა კორესპონდენციის/გზავნილების საფოსტო-საკურიერო და სატვირთო მომსახურეობას.
- ზოგიერთი ტვირთის გადაზიდვის სპეციფიკიდან გამომდინარე, შესაძლებელია, მხარეებს შორის, წინასწარ, გადაზიდვის პროცესის დაწყებამდე, მოხდეს ტარიფისა და გადაზიდვისათვის საჭირო გონივრული სატრანზიტო დროის შეთანხმება.
3. დამკვეთი უზრუნველყოფს „შემსრულებელისთვის“ მომსახურების საფასურის ანაზღაურებას კონკრეტული პერიოდისათვის გამოცხადებული ტარიფებისა და საწვავის დანამატის მიხედვით, ან კონკრეტული ტვირთის გადაზიდვის სპეციფიკიდან გამომდინარე მხარეებს შორის წინასწარ შეთანხმებული ტარიფის მიხედვით, „შემსრულებლის“ მიერ წარდგენილი ინვოისის საფუძველზე. ამასთან გამოცხადებული ტარიფების ცვლილების შემთხვევაში, „შემსრულებელი“ ვალდებულია განათავსოს ცვლილების შესახებ ინფორმაცია შპს „ჯორჯიან ექსპრესი“-ს ვებგვერდზე (www.geoexpress.ge),
- კორესპონდენციის/გზავნილების საფოსტო-საკურიერო და სატვირთო მომსახურების სატრანზიტო დრო მითითებული არის ტარიფების პარალელურად, ზონების მიხედვით, ხელშეკრულების დანართ N2-ში. სატრანზიტო დრო წარმოადგენს პრაქტიკიდან გამომდინარე საშუალო სატრანზიტო დროს რეგიონების/ზონების მიხედვით და არცერთ შემთხვევაში, დამატებითი შეთანხმების არსებობის გარდა, არ წარმოადგენს გადაზიდვისათვის დათქმულ სატრანზიტო ვადას, მრავალი ფაქტორიდან გამომდინარე. სატრანზიტო დროის დაუცველობის შემთხვევაში, თუ მხარეებს შორის არ არსებობს დამატებითი შეთანხმება სატრანზიტო დროსთან დაკავშირებით, „შემსრულებელს“ არ დაეკისრება პასუხისმგებლობა რაიმე პირდაპირ ან/და ირიბ ზარალზე ან/და ზიანზე.
- კორესპონდენციის/გზავნილების საფოსტო-საკურიერო და სატვირთო მომსახურების გაწვა უნდა განხორციელდეს სამუშაო დღეების სამუშაო დროის განმავლობაში, თუ მხარეებს შორის არ არსებობს, დამატებით, სხვა შეთანხმება კონკრეტული გადაზიდვის საჭიროებიდან გამომდინარე.
- კორესპონდენციის/გზავნილების საფოსტო-საკურიერო და სატვირთო მომსახურების რეგულირდება საქართველოს კანონმდებლობის შესაბამისად.
- კორესპონდენციის/გზავნილების საფოსტო-საკურიერო და სატვირთო მომსახურებისას, გამოიყენება მოცულობითი წონის ფორმულა: 1 კუბური მეტრი=167კგ, რაც გამოითვლება შემდეგი წესით: სიგრძე*სიგანე*სიმაღლე (სმ)/6000. ამასთან გადასაზიდი გზავნილის/ტვირთის წონად ანგარიშსწორებისას ჩაითვლება ფაქტიური და მოცულობითი წონის უმეტესი მაჩვენებელი.
- კორესპონდენციის/გზავნილების საფოსტო-საკურიერო და სატვირთო მომსახურების პროცესში „შემსრულებელი“ უფლებამოსილია თავისი შეხედულებისამებრ გამოიყენოს, როგორც საკუთარი სატრანსპორტო საშუალებები, ასევე, მთლიანად ან ნაწილობრივ/ცალკეულ მონაკვეთებზე ტვირთის გადაზიდვა დავალოს მესამე პირებსაც, თუ ეს აუცილებელია კონკრეტული გადაზიდვის საჭიროებიდან გამომდინარე. ამასთან, დამკვეთის ინტერესების გათვალისწინებითა და მომსახურების ჯეროვნად განხორციელების მიზნით, „შემსრულებელი“ უფლებამოსილია, როგორც თავისი სახელით, ასევე, დამკვეთის სახელით და ხარჯით ხელშეკრულებები გააფორმოს ცალკეულ გადამზიდველებთან, საქართველოს სხვადასხვა ქალაქებში არსებულ სასაწყობე მეურნეობებთან, სატვირთო საავტომობილო ტრანსპორტის მფლობელებთან, საექსპედიტორო კომპანიებთან და სხვა მესამე პირებთან. ასეთ შემთხვევაში, „შემსრულებელი“ მესამე პირებთან სახელშეკრულებო ურთიერთობაში შესვლისას, მოქმედებს დამკვეთის ინტერესების შესაბამისად, როგორც მისი წარმომადგენელი/უფლებამოსილი პირი.
- გადაზიდვის ორგანიზების უშუალო დაწყებამდე „შემსრულებელი“ უფლებამოსილია შეამოწმოს ტვირთის შიგთავსი და მისი შესაბამისობა წარმოდგენილ დოკუმენტაციასთან.
- რიგ შემთხვევებში „შემსრულებლის“ მხრიდან შესაძლოა მოხდეს დამკვეთისათვის შემცირებული ტარიფების შეთავაზება. შემცირებული ტარიფის საკვალიფიკაციო მოთხოვნის საფუძველია დამკვეთის მიერ 90 კალენდარული დღის განმავლობაში არანაკლებ 50 (ორმოცდაათი) ან/და ჯამურად 999 კილოგრამი წონის გზავნილის (რომელიც უნდა შედგებოდეს არანაკლებ 15 გზავნილისგან) გაგზავნა/მიღება ნებისმიერი მიმართულებით საქართველოს ტერიტორიაზე.

11. იმ შემთხვევაში, თუ გზავნილის ზღვრული ღირებულება აღემატება 1000 ლარს, დამკვეთი ვალდებულია, ამის შესახებ, შეატყობინოს „შემსრულებელს“ წინასწარ, გადაზიდვის დაწყებამდე და მიიღოს კონსულტაცია ასეთი გზავნილის გადაზიდვასთან დაკავშირებით.
12. დამკვეთი ვალდებულია „შემსრულებელს“ სრულად და ამომწურავად მიაწოდოს გზავნილის თანმხლები ის სავალდებულო და აუცილებელი დოკუმენტაცია (ტვირთის ღირებულების დამადასტურებელი დოკუმენტი ან/და აღნიშნოს ტვირთის ღირებულება ელექტრონულად დატვირთულ ზედნადებში) და მონაცემები, რომელმაც შეიძლება გავლენა იქონიოს კონკრეტული ტრანსპორტირების ღირებულებაზე. ასეთ დოკუმენტაციას და მონაცემებს განეკუთვნება:
- 12.1. სასაქონლო ზედნადები (ელექტრონული ფორმით ატვირთვა), საჭიროების შემთხვევაში, გადაზიდვასთან დაკავშირებული სხვა დოკუმენტაცია.
- 12.2. გადაზიდვის საწყისი, საბოლოო დანიშნულების პუნქტი ან პუნქტები, ასევე, მიმღების/გამგზავნის სრული საკონტაქტო ინფორმაცია, რომელიც უნდა მოიცავდეს ზუსტ მისამართს და საკონტაქტო ტელეფონის ნომერს.
- 12.3. გზავნილის ზუსტი წინა და გაბარიტები. ამასთან „შემსრულებელი“ ახორციელებს ამ ინფორმაციის გადამოწმებას და საჭიროების შემთხვევაში, გამგზავნითან/დამკვეთთან შეთანხმებით აზუსტებს მას.
13. დამკვეთი ვალდებულია „შემსრულებელს“ გადასცეს სათანადოდ შეფუთული ტვირთი, ან შესაბამის შემთხვევაში დაუკვეთოს შეფუთვა „შემსრულებელს“ სასაწყობო და სატერმინალო (საქართველოს ტერიტორიაზე) მომსახურების პირობების და წესების თანახმად, ვინაიდან „შემსრულებელი“ პასუხს არ აგებს დამკვეთის მიერ ტვირთის არასათანადოდ შეფუთვით გამოწვეულ დაზიანებაზე.
14. დამკვეთი ვალდებულია უზრუნველყოს გზავნილისა და თანმხლები დოკუმენტაციის ჯეროვნად მზაობა, რაც გულისხმობს სათანადო შეფუთვასა და კანონით გათვალისწინებულ შემთხვევაში, სასაქონლო ზედნადების ელექტრონულად ატვირთვას. დამკვეთი, ასევე, ვალდებულია გზავნილი და თანხმლები დოკუმენტაცია ჯეროვნად ჰქონდეს გამზადებული, „შემსრულებლის“ სატრანსპორტო საშუალების ადგილზე მისვლის მომენტისათვის.
15. „შემსრულებელი“ ვალდებულია, დამკვეთის მიერ მიწოდებული ინფორმაციის საფუძველზე, მოახდინოს სატრანსპორტო დოკუმენტაციის სწორად გაფორმება. ხოლო თუ დამკვეთი, მისთვის ჩატვირთული პროგრამის მეშვეობით, თავად ახორციელებს სატრანსპორტო დოკუმენტაციის გაფორმებას, დამკვეთი თვითონ არის პასუხისმგებელი ასეთი დოკუმენტაციის სისწორეზე.
16. „შემსრულებელი“ ვალდებულია უზრუნველყოს დამკვეთისგან მიღებული გზავნილის შეთანხმებულ დანიშნულების ადგილზე ტრანსპორტირება და მისი გადაცემა მიმღებისათვის ან მისამართზე მყოფი პირისათვის სრულად და დაუზიანებლად.
17. „შემსრულებელი“ ვალდებულია, მოთხოვნის შემთხვევაში, დამკვეთს მიაწოდოს ინფორმაცია ტვირთის ტრანსპორტირებასთან დაკავშირებული სამუშაოს შესრულების შესახებ, ასევე, ინფორმაცია დროის გარკვეული მომენტებისათვის ტვირთის ადგილსამყოფელის შესახებ, მათ შორის, არსებობის შემთხვევაში, ინფორმაცია იმ გარემოებების შესახებ, რამაც შესაძლოა შეაფეროს, ან დროებით შეაჩეროს ტრანსპორტირების განხორციელება.
18. გზავნილის ჩაბარება დანიშნულების ადგილზე უნდა განხორციელდეს დამკვეთის მიერ მითითებულ მისამართზე, ამასთან, „შემსრულებელი“ არ იღებს ვალდებულებას, რომ გზავნილი ჩაბაროს უშუალოდ საკონტაქტო პირს, თუ მხარეთა შორის ამაზე არ არსებობს შეთანხმება და არ არის გადახდილი ტარიფზე დანამატი (განსაკუთრებული პირობა ჩაბარება საკონტაქტო პირზე, პირადი ნომრის ან/და თანამდებობის მითითებით). დამკვეთისათვის გზავნილის ჩაბარების შესახებ დეტალების მიწოდება განიხილება ცალკე მომსახურებად, შესაბამისად, მასზე დაწესებულია ცალკე ტარიფი.
19. იმ შემთხვევებში, თუ შეუძლებელია საბოლოო დანიშნულების ადგილზე მომსახურების განხორციელება დამკვეთისგან გამომდინარე მიზეზით (არასწორი/არასრული მისამართის გამო, მიმღების სხვა მისამართზე გადასვლის გამო) ახალ მისამართზე გზავნილის გაგზავნა განხორციელდება დამატებითი საფასურის გადახდის პირობით. ტარიფი იმავე ქალაქში გადამისამართების შემთხვევაში იქნება გადაზიდვის პირველადი ღირებულების 20%, ხოლო სხვა ქალაქში გადამისამართების შემთხვევაში, იმოქმედებს სტანდარტული ტარიფი. იმ შემთხვევაში თუ საჭირო გახდება გზავნილის გამგზავნისათვის დაბრუნება, იმოქმედებს ტარიფი გადაზიდვის პირველადი ღირებულების 80%-ის ოდენობით.
20. 30 კვ-მდე გზავნილის ჩაბარების მცდელობას მიმღებისათვის „შემსრულებელი“ განახორციელებს ორჯერ, მხოლოდ პირველი ზონის ქალაქებში, მათ შორის მეორედ მომდევნო სამუშაო დღეს, ხოლო დანარჩენ ქალაქებში მხოლოდ ერთხელ. ჩაბარების შეუძლებლობის შემთხვევაში (მიმღების მისამართზე ნებისმიერი მიზეზით არ ყოფნის შემთხვევაში), გზავნილი განთავსებულ იქნება მოკითხვამდე რეჟიმით მიმღები ქალაქის ან და მიმღებ ქალაქთან უახლოეს „შემსრულებელის“ ოფისში, ამავდროულად, „შემსრულებელი“ მიმღების მისამართზე/კართან დატოვებს შეტყობინებას „შემსრულებლის“ უახლოესი ოფისის მისამართისა და სამუშაო საათების შესახებ; 30 კვ-ს ზევით გზავნილის შემთხვევაში კი პირველივე უშედეგო მცდელობის შემდეგ, გზავნილი განთავსებული იქნება „შემსრულებლის“ უახლოეს საწყობში, საიდანაც გზავნილის/ტვირთის გატანა შესაძლებელი იქნება მიმღების მიერ; ან

დამკვეთისგან დამატებითი საფასურის გადახდის პირობით, „შემსრულებელი“ კვლავ განახორციელებს გზავნილის ჩაბარების მცდელობას.

21. იმ შემთხვევაში, თუ მიმღები უარს განაცხადებს გზავნილის მიღებაზე ან მომსახურების საფასურის გადახდაზე (თუ საფასურის გადახდა მიმღების ვალდებულებაა), მაშინ, საფასურს აანაზღაურებს დამკვეთი.

22. იმ შემთხვევაში, თუ დამკვეთის მიერ ტვირთის თანმხლებ დოკუმენტაციაში მითითებულ მე-11 პუნქტში ინფორმაცია ტვირთათან შეუსაბამო აღმოჩნდება, რის გამოც მისი გადაზიდვის, შენახვის ან/და დამუშავებისას ფაქტობრივად წარმოიშვება დამატებითი დანახარჯები - დამკვეთი ვალდებულია „შემსრულებელს“ სრულად და ჯეროვნად აუნაზღაუროს ამით მიყენებული ყველა შესაძლო ზიანი, დამატებითი ხარჯი, თუ ჯარიმა, როგორიც არის: ტვირთის იძულებითი შენახვა, ტვირთის შესაბამის ტემპერატურულ რეჟიმში იძულებითი შენახვა, მაკონტროლებელი ორგანიზაციების მიერ დაკისრებული სანქციები ან/და შესაბამის შემთხვევაში ტვირთის განადგურებისა და სხვა მსგავსი ხარჯები.

23. იმ შემთხვევაში თუ გადასაზიდი ტვირთის დასაწყობება ევალება „შემსრულებელს“, ასეთ მომსახურეობაზე გავრცელდება „სასაწყობო და სეტერმინალო “ მომსახურების პირობები და წესები.

24. ხელშეკრულების მხარეთა პასუხისმგებლობა ერთმანეთის მიმართ შემოიფარგლება მე-6 პუნქტში მითითებული გადაზიდვის მარეგულირებელი კანონმდებლობითა და მომსახურების ამ პირობებით.

სასაწყობო და სატერმინალო (საქართველოს ტერიტორიაზე) მომსახურების პირობები და წესები

1. „შემსრულებელი“ მხარეთა შეთანხმებით განსაზღვრული შესაბამისი საზღაურის მიღების პირობით და დამკვეთის უშუალო დავალებით, ახორციელებს საქართველოს ტერიტორიაზე სასაწყობო მომსახურეობას.
2. სასაწყობო მომსახურების სრული სპექტრიდან, დამკვეთს, საჭიროებისამებრ, შეუძლია გამოიყენოს ერთი ან რამდენიმე მომსახურეობა:

 - 2.1. სტანდარტული სასაწყობო მომსახურება:
 - 2.2. შენახვა დახურული ტიპის საწყობში სხვადასხვა ტემპერატურულ რეჟიმში
 - 2.3. შენახვა ღია ტიპის საწყობში
 - 2.4. შენახვა სტელაჟებზე, მიწის დონეზე, პაქბინებში
 - 2.5. სატრანსპორტო საშუალების დაცლა/დატვირთვა, როგორც მექანიკურად, ასევე, ხელით
 - 2.6. ქროსდოქინგი
 - 2.7. მიღება სახეობების/დასახელების მიხედვით
 - 2.8. ზედდებულის შექმნა/რეგისტრაციით, მარკირება
 - 2.9. დახარისხება
 - 2.10. შეკვეთის აწყობა, კომპლექტაცია
 - 2.11. აწონვა, გადაწონვა
 - 2.12. პალეტიზირება, შეფუთვა, გადაფუთვა
 - 2.13. საწყობიდან გაცემა დამკვეთზე
 - 2.14. ინვენტარიზაცია, მარაგების მართვა და შესაბამისი დოკუმენტაციის გაფორმება
 - 2.15. მონაცემთა ელექტრონული გადაცემა
 - 2.16. უტილიზაცია, განადგურება
 3. დამკვეთი უზრუნველყოფს „შემსრულებლისთვის“ მომსახურების საფასურის ანაზღაურებას, მხარეებს შორის შეთანხმებული ტარიფის მიხედვით, „შემსრულებლის“ მიერ წარდგენილი ინვოისის საფუძველზე, ყოველთვიურად.
 4. ტარიფის დაანგარიშება ხდება ყოველი ცალკეული შემთხვევისათვის, კონკრეტული მომსახურების მიხედვით, ტვირთის ზომის, წონის, საჭირო შეფუთვის ტიპის, დასაწყობების ხანგრძლივობის, დასაწყობების რეჟიმისა და დასაწყობების საჭირო ტემპერატურის მიხედვით.
 5. სასაწყობო მომსახურების გაწევა უნდა განხორციელდეს სამუშაო დღეების სამუშაო დროის განმავლობაში, თუ მხარეებს შორის არ არსებობს, დამატებით, სხვა შეთანხმება, სასაწყობო ოპერაციიდან საჭიროებიდან გამომდინარე.
 6. სასაწყობო მომსახურეობა რეგულირდება საქართველოს კანონმდებლობის შესაბამისად.
 7. სასაწყობო მომსახურეობის გაწევისას, „შემსრულებელი“ უფლებამოსილია განახორციელოს ოპერაციები, როგორც საკუთარ სასაწყობო ფართში, ასევე, იჯარით აიღოს სასაწყობო ფართი მესამე პირებისაგან. ამასთან, დამკვეთის ინტერესების გათვალისწინებითა და მომსახურების ჯეროვნად განხორციელების მიზნით, „შემსრულებელი“ უფლებამოსილია, როგორც თავისი სახელით, ასევე, დამკვეთის სახელითა და ხარჯით, ხელშეკრულებები გააფორმოს სასაწყობო ფართების მფლობელებთან, სხვადასხვა დამცლელი/დამტვირთავი ტექნიკური საშუალებების მფლობელებთან და სხვა მესამე პირებთან. ასეთ შემთხვევაში, „შემსრულებელი“ მესამე პირებთან სახელშეკრულებო ურთიერთობაში შესვლისას, მოქმედებს დამკვეთის ინტერესების შესაბამისად, როგორც მისი წარმომადგენელი/უფლებამოსილი პირი.
 8. საწყობში ნებისმიერი სასაწყობო ოპერაციის ორგანიზების მიზნით, ტვირთის მიღება ხდება დამკვეთისა და „შემსრულებლის“ წარმომადგენლების მიერ, მითვლის, რაოდენობისა და ხარისხის შემოწმების შემდგომ, მიღება-ჩაბარების აქტის გაფორმების საფუძველზე.
 9. დამკვეთი ვალდებულია მიაწოდოს „შემსრულებელი“-ს მე-4 პუნქტში მითითებული ინფორმაცია დეტალურად და სწორად.

10. დამკვეთი ვალდებულია შენახვის მომსახურების გამოყენების შემთხვევაში, მიაწოდოს „შემსრულებელს“ დეტალური ინფორმაცია შესანახი ან/და დასამუშავებელი ტვირთის შენახვისათვის საჭირო რეჟიმისა და ტემპერატურის შესახებ.
11. დამკვეთი ვალდებულია შენახვის სატრანსპორტო საშუალების დაცლა/დატვირთვის გამოყენების შემთხვევაში, მიაწოდოს „შემსრულებელს“ ინფორმაცია სატრანსპორტო საშუალების საწყობში მოსვლის დროისა და დაცლა/დატვირთვის სასურველი ტიპის შესახებ.
12. დამკვეთი ვალდებულია დახარისხების, კომპლექტაციის და შეკვეთის აწყობის მომსახურების გამოყენების შემთხვევაში, მიაწოდოს „შემსრულებელს“ დაზუსტებული ინფორმაცია სახეობების/დასახელებებისა და მათი რაოდენობის მიხედვით.
13. დამკვეთი ვალდებულია პალეტიზირების, შეფუთვის, გადაფუთვის მომსახურების გამოყენების შემთხვევაში, მიაწოდოს „შემსრულებელს“ დაზუსტებული ინფორმაცია პალეტის ზომის და პალეტზე განსათავსებელი პროდუქტის რაოდენობისა და წონის, ისევე, როგორც სასურველი შეფუთვის ტიპის შესახებ.
14. დამკვეთი ვალდებულია საწყობიდან გაცემის მომსახურების შემთხვევაში, მიაწოდოს „შემსრულებელს“ დაზუსტებული ინფორმაცია თუ რომელი სახეობა/დასახელება რა რაოდენობით, როდის და ვისზე უნდა გაიცეს.
15. დამკვეთი ვალდებულია ატვირთოს სწორი ელექტრონული ზედნადები იმ შემთხვევაში, თუ საწყობში არსებული ტვირთის ნაწილის ან სრულად გადაზიდვას საქართველოს ტერიტორიაზე უკვეთავს „შემსრულებელს“.
16. დამკვეთი ვალდებულია განადგურება, უტილიზაციის მომსახურების გამოყენების შემთხვევაში, მიაწოდოს „შემსრულებელს“ ტვირთის სპეციფიკიდან გამომდინარე მისი განადგურებისათვის საჭირო დეტალური ინფორმაცია.
17. „შემსრულებელი“ ვალდებულია უზრუნველყოს სასაწყობო მომსახურეობები სუფთა და დაცულ სასაწყობო ფართში.
18. „შემსრულებელი“ ვალდებულია უზრუნველყოფილი ჰქონდეს სასაწყობო ფართი ცეცხლმაქრებით, სახანძრო სიგნალიზაციით, სამეთვალყურეო ვამერებითა და უსაფრთხოების სისტემით.
19. „შემსრულებელი“ ვალდებულია ჰქონდეს დაზღვეული საწყობში განთავსებული ტვირთის სასაწყობო რისკები, ტვირთის ღირებულების ოდენობით და შესაბამისი ფრანშიზის გამოკლებით.
20. „შემსრულებელი“ ვალდებულია უზრუნველყოს მე-2 პუნქტში მითითებული მომსახურეობები, დამკვეთის მიერ მოწოდებული დაგალების თანახმად, სრულად, უნაკლოდ და შეთანხმებულ ვადებში შესრულება.
21. „შემსრულებელი“ ვალდებულია, მოთხოვნის შემთხვევაში, დამკვეთს მიაწოდოს ინფორმაცია სასაწყობო ოპერაციებთან დაკავშირებული სამუშაოს შესრულების შესახებ, ასევე, ინფორმაცია დროის გარკვეული მომენტებისათვის ინვენტარიზაციისა და საწყობში არსებული ნაშთების შესახებ სახეობების/დასახელებების მიხედვით.
22. იმ შემთხვევაში, თუ საწყობში განთავსებული ტვირთის დისტრიბუცია/მიწოდება საქართველოს ტერიტორიაზე ევალება „შემსრულებელს“, ასეთ მომსახურეობაზე გავრცელდება „შიდა გადაზიდვები საქართველოს ტერიტორიაზე (საფოსტო კორესპონდენცია/გზავნილები და ტვირთები)“ მომსახურების პირობები და წესები.
23. იმ შემთხვევაში, თუ დამკვეთის მიერ მოწოდებული ინფორმაცია მე-4 პუნქტში ტვირთთან შეუსაბამო აღმოჩნდება, რის გამოც, შენახვისას ან/და დამუშავებისას, ფაქტობრივად, წარმოიშვება დამატებითი დანახარჯები, დამკვეთი ვალდებულია „შემსრულებელს“ სრულად და ჯეროვნად აუნაზღაუროს ამით მიყენებული ყველა შესაძლო ზიანი, დამატებითი ხარჯი, თუ ჯარიმა, როგორიც არის: რემარკირება, ზედდებულის შექმნა/რეგისტრაცია, დახარისხების, კომპლექტაციის, დაპალეტების, შეფუთვისა და გადაფუთვის, ტვირთის არასწორ ტემპერატურულ რეჟიმში შენახვისგან გამომდინარე წარმოშობილი შედეგების აღმოფხვრისა ან/და განადგურების ხარჯები, ან/და მაკონტროლებელი ორგანიზაციების მიერ დაკისრებული სანქციები.
24. ხელშეკრულების მხარეთა პასუხისმგებლობა ერთმანეთის მიმართ შემოიფარგლება მე-6 პუნქტში მითითებული გადაზიდვის მარეგულირებელი კანონმდებლობითა და მომსახურების ამ პირობებით.

**ხელშეკრულებასთან დაკავშირებული შეტყობინებების ელექტრონული ფოსტის მეშვეობით მიღების
პირობები და წესები**

1. მხარეები გამოთქვამენ ნებას და თანხმდებიან, რომ ხელშეკრულება N 212682051 ყველა სახის შეტყობინება მიიღონ ელექტრონული ფოსტის მეშვეობით.
2. ხელშეკრულებასთან დაკავშირებული ელექტრონული ფოსტის მეშვეობით მიღებულ შეტყობინებას გააჩნია იგივე იურიდიული ძალა რაც ოფიციალურ შეტყობინებას ან/და დოკუმენტს.
3. მხარეები გამოყოფენ და ნიშნავენ საკუთარ ორგანიზაციებში ამ ხელშეკრულებასთან დაკავშირებით შემდეგ საკონტაქტო პირებსა და ელექტრონული ფოსტის მისამართებს.

შპს „ჯორჯიან ექსპრესი“
საკონტაქტო პირი: იურიდიულ საკითხებში
თეა ზაქარეიშვილი
მომსახურების საკითხებში
გიორგი ბირთველიშვილი
ელ. ფოსტა: -----

სსიპ კოლეჯი „იბერია“
საკონტაქტო პირი: გიგა ფახურიძე
ელ. ფოსტა: iberiacollege@gmail.com
ტელ: 577788302